

## Giubileum 10 onns Uniun da scursalar e spassegiar Mumpé Medel


Uonn astga l'uniun da scursalar e spassegiar Mumpé Medel festivar siu giubileum da 10 onns. Dumengia, ils 20 da fevrer 2011 vegn quei eveniment festivaus.



Avon 10 onns, ils 30 da december 2001, ei stau l'avertura dalla senda da scursalar e spassegiar Mumpé Medel entochen "sur Fontauna Starnauns". Las bunas vias baghegiadas dalla meglieraziun ein idealas per scursalar e spassegiar igl unviern. Cun sia lunghezia da 3 km dat ei als visitaders caschun da guder quella bellezia survesta e far enzatgei per sia sanadad. Tut ha entschiet mudest cun dar caschun da scursalar e spassegiar. La secunda sesiun ei vegniu organisau l'emprema cuorsa nostalgica da sliusa da corns e la cuorsa da scarsola per famiglias. Medemamein ha l'uniun organisau per l'emprema gada ina scursalda da glina pleina cun fondue ell'ustria "Pass Roman". Per giavinar dapli hosps a Mumpé Medel ha l'uniun creau siu emprem prospect pigl unviern 2003/2004.

Mumpé Medel san ins contonscher mo cun autos privats. Sin giavisch d'indigens ed er hosps da vancanzas ha l'Uniun da scursalar e spassegiar organisau igl unviern 2006/2007 in bus naven dalla staziun Mustér a Mumpé Medel. Cunquei ch'igl ei vegniu fatg pauc diever da quella purschida ei quei restau tier quella empreva. Igl unviern 2007/2008 essan nus stai sforzai da remplazar la veglia maschina da pista. Per saver cuvierer ils cuosts che seresultan dad ina tala investiziun ei vegniu fatg tut quels onns nundumbrevilas uras lavur cumina. Ils commemberAs dall'Uniun da scursalar e spassegiar han organisau cul chor da dunnas Cantalegra ed ina ulteriura gada cun l'Uniun da costums Mustér la sera da tscheiver a Mustér

Dapi la serrada dall'ustria a Mumpé Medel ha l'uniun fatg ponderaziuns da remplazzar il conatiner muort munconza da plaz. Plinavon existan neginas tualettas ufficialas egl uclaun. Suentar pliras sedutas e ponderaziuns han ins incumpensau igl architect indigen, signur Alois Huonder da construir in niev object che fa buna pareta. Igl ei reussiu ad el da presentar als commemberAs siu patratg fundamental da sia lavur. Il baghetg lubescha a l'uniun in local da cassa, pil deposit da scarsolas, in local per dar pusseivladad da prender in refrestg e liug da sentupada.



Forsa astgein nus era quella sesiun d'unviern 2010/2011 beneventar scolarAs, gruppas ed uniuns cheu a Mumpé Medel. Cun Vies sustegn lein nus mantaner en nies uclaun quella purschida e selegrein sin Vossa viseta.